

KOMERSIAL KHAZANAH ILMU

IPTA diperkukuh
hadapi
persaingan global

Oleh Noor Azam Abdul Aziz
azam@hmetro.com.my

DUNIA pendidikan Institusi Pengajian Tinggi Awam (IPTA) sepanjang 2003 menyaksikan pelbagai usaha dilaksanakan kerajaan untuk memperkukuhkan universiti dalam menghadapi persaingan global.

Antara program terbesar diadakan ialah Pameran Penyelidikan dan Pembangunan Institusi Pengajian Tinggi Awam (IPTA) 2003, di Pusat Dagangan Dunia Putra (PWTC), Kuala Lumpur, pada Oktober lalu.

Ia membuktikan negara tidak ketinggalan hasil penyelidikan berkualiti.

Dengan peruntukan RM500,000 daripada kerajaan bagi menjayakannya, ia membuka ruang kepada IPTA menampilkan hasil penyelidikan masing-masing bagi menyuburkan khazanah ilmu dan komersial.

Program itu anjuran bersama Kementerian Pendidikan dan IPTA dengan Universiti Putra Malaysia sebagai Jawatankuasa Pengelola.

Walaupun berdepan dengan persaingan daripada universiti swasta yang tumbuh bagai cendawan selepas hujan, IPTA tetap menjadi pilihan pelajar lepasan Sijil Pelajaran Malaysia dan Sijil Tinggi Pelajaran Malaysia.

Sehingga Ogos tahun ini seramai

15,202 graduan empat institusi pengajian tinggi awam (IPTA) menerima ijazah pada majlis konvokesyen masing-masing dalam pelbagai bidang diceburi.

Pada pilihan raya berkenaan menyaksikan calon proaspirasi menyapu bersih semua kerusi Majlis Perwakilan Pelajar (MPP) di sembilan institusi pengajian tinggi awam (IPTA) pada pilihan raya kampus sesi 2003/2004 yang berlangsung serentak seluruh negara.

Antara cabaran besar yang perlu diharungi mahasiswa bagi membolehkan mereka bersaing dalam era globalisasi, iaitu:

- Cabaran bagi barisan kepimpinan mahasiswa yang perlu menangani dengan bijak tuntutan situasi baru dibawa globalisasi.

- Kesedaran dan keinsafan bahawa amat penting bagi seluruh rakyat di negara ini memupuk semangat patriotisme dan jati diri kukuh serta sentiasa meletakkan kepentingan negara serta tanah air mendahului perkara lain.

- Mengekal dan mempereratkan hubungan antara kaum serta perpaduan nasional, di samping mengambil tindakan sewajarnya mengatasi masalah perkauman.



PERIKSA...sebahagian pelajar universiti tempatan memeriksa spesimen haiwan dibekukan dalam Pameran Penyelidikan dan Pembangunan IPTA 2003.



NILAI...dua siswi membuat penilaian pelan binaan.